

Ed. Rom. Soc. Jesu. Cat. imp.
LATINI LATINII
VITERBIENSIS

OPINIO DE EA HISTORIAE

*Socratis Sozomeniq. parte, qua
Nectarij Episcopi factum de
abrogato Paenitentia-
rio presbytero
continetur.*



R O M A E

Ex Typographia Bartholomaei Bonfadini
M D LXXVII

DE PRAESIDENTIVM AVCTORITATE

INITIALIUM
VITERBIENSIS

OPINIO DE LA HISTORIA
DE LA CIUDAD DE VITERBIA
DE LA CIUDAD DE VITERBIA
DE LA CIUDAD DE VITERBIA
DE LA CIUDAD DE VITERBIA
DE LA CIUDAD DE VITERBIA



DE LA CIUDAD DE VITERBIA
DE LA CIUDAD DE VITERBIA
DE LA CIUDAD DE VITERBIA
DE LA CIUDAD DE VITERBIA
DE LA CIUDAD DE VITERBIA
DE LA CIUDAD DE VITERBIA

LATINVS LATINIVS VITERBIENSIS

Sacrae Theologiae studiosis S. D.



*Vae longo temporis cur
riculo tacito quodam
hominum suffragio pro
bata sunt, ea si quis te-
mere infirmare conetur, id vnum
facile consecuturus est; ut, cum ar-
rogantiae nomine apud omnes ma-
le audiat; tum, ut in ijs, quae sin-
gulari diligentia, & fide tradide-
rit, eius testimonium nemo reci-
piat. Quod ego vitium, ut a me
longe alienum esse quivis intelli-
gat, dedi operam, ne in infirman-
da veterum Scriptorum fide, quic-
quam prius auderem, quam exa-*

minatis sedulo, matureq. singulis
rebus, quae in eius generis scriptis
merito considerata sunt, verita-
tis mihi lumen, suboscuro licet,
certum tamen aliquando Deo vo-
lente, affulsisset. Hoc veritatis
lumen si, qui eruditi sunt rationi-
bus, argumentisque a me allatis,
tamquam face praelucente, vide-
bunt; non temere a me quicquam
tentatum gaudebo. Sin minus, cum
homo sim, aequo animo feram er-
rores meos palam argui; atq. eo
nomine me nō mediocrem gratiam
bonis omnibus habiturum esse polli-
ceor. Valete. Romae, Idib. Sept.
M. D. LXXVII.



I quis post ea, quae acri iudicio considerata, diligentiq. studio notata, atq. collecta sunt a Iacobo Billio, viro doctissimo; quaeque breuissime attigit Melchior Canus de Socratis Scholastici historiae scopo amplius quaerendum postulet; operae pretiū (vt ego sentio) non mediocre facturus videbitur. Cum enim is callide quae scripsit, non facile se probaturū bonis omnibus suspicaretur, in ijs praesertim gestis, in quibus Nouatianorum laudes explicantur, id in primis summo studio conatus est assequi, vt Lectorem sibi conciliaret, omnemq. suspicionem amoliretur, nihil a se proditum iri, nisi exploratum sedulo, atque compertum. Idq. frequēter protestatur, ac repetit ve-

Lib. I.

26. fac

observa

Lib. II.

penult.

sine de

cis the

terator eximius, quo scriptis suis fa-
 cilius impetret firmiorē fidem. Con-
 scijs enim fraudis non putauit sibi
 simpliciter progrediendum. Ea ve-
 ro ratione, fraudolēta illa quidem,
 sed nō facile ab omnibus intellecta,
 ausus est nonnulla Nouatianorum
 suorū gesta frequēter inserere, ea-
 que tamquam ab alijs commendata re-
 censere, vt aliorum fide historiae au-
 ctoritas niteretur, in quos nullum
 partium studium vel leuissima suspi-
 cione cadere videretur. Cum igitur
 sensim, quasi per caecos cuniculos
 eo progressus esset, vt ad sūma, quae
 callide persuadenda legentibus mo-
 liebatur, iam patefactum aditum ar-
 bitraretur; ineptissimam fabulam
 cōmentus, contra omnem historiae
 veritatem scriptorum suorū monu-
 menti impudentissime prodere au-
 sus est. Eam, ne quid ex me additum,
 imminutū, immutatumue suspicari

7

quis possit, iisdē verbis hic descri-
bendam curavi, quibus ante annos
plus minus xx. Ioānes Christophor
sonus Anglus Cicestrensis episco-
pus Socratis huius, & aliorum quat-
tuor Ecclesiasticam historiā Latine
reddidit. Ita enim scriptū legimus.
Per idē tēpus, &c. quæ integra descri-
bentur infra. praestat enim singula
eius verba mature expendere, vnde
commētitiæ fabulae fraus facilius
intelligi, planeq. manibus teneri
ab omnibus possit. Nā praeterquā,
quod falsum plane fundamentū cō-
fidentissime durissimæ frontis ho-
mo iecit, tum ipsa secum fabula pu-
gnat, tum veritatis in ea caput nul-
lū, pes nullus apparet; praeter illud
vnum, cuius gratia tota haec egrē-
gia fabula ficta est; vt Nouatianorū
impiam sententiam decepti specie
boni catholici quiq. probarēt, atq.
amplexarētur. Sed necessariū est, vt

quam prospicio difficilem salebrā
 mihi initio oppositam, studeam pri
 mū iuuante Christo superare. Quis
 quantusq. vir fuerit Ioannes Chry
 sostomus, omnes norunt, quanta
 eius in catholica Ecclesia auctori
 tas omnia monumenta testantur. Is
 autem, si vera legitimaq. eius scri
 pta sūt, quae olim a Petro Lombard
 o, nuper vero a Xysto Senensi, vbe
 rius collecta, & notata sunt vel in
 constantiae non mediocris, vel pa
 rum orthodoxi dogmatis nomine
 merito arguēdus videtur, quod ego
 tamen nunquā facere ausim, ac pro
 pterea in eam sententiam libentius
 venio, vt vel non esse Chrysostomi
 ea scripta putem, vel si eius esse con
 cedā, ab haereticis Nouatianis prae
 fertim ea omnia fraudolenter inser
 ta fatear; quae cū alijs eius scriptis
 pugnare palam videntur. Ex Chry
 sostomo autem (vt probabili conie

9

Aura colligere quivis facile potest)
commentitiae fabulae argumētum
Socratem cum Sozomeno sumpsis-
se, cōcinnasseq. opinor. Cum enim
ille saepe testetur, se non hortari
quemquam, vt in publicū prōdeat,
atque in theatro delicta sua cōfitea-
tur, aut alteri publicet, sed Deo so-
li; occasionem arripuisse videntur
affirmandi olim in Catholica Eccle-
sia ritum odiosum fuisse, vt quis tā-
quam in theatro praesente Eccle-
siae multitudine peccata sua pronū-
tiaret. Quia vero in hac parte So-
cratis historia decurtata omnino,
& manca manifesto apparet; eam
ex Sozomeno integram adscriben-
dam curavi: ex vtraq. vero, quae di-
ligenter examinanda visa erāt, com-
mode suis locis inferam. Sozomeni
verba haec sunt: *Hoc tempore presbyte-
rum, qui paenitentibus deputatus esset,*
esse non amplius passus est omnium pri-

Lib. 7. c.
16. bis
eccl.

*mūs Nectarius Constantinopolitanae Ec-
 clesiae Episcopus, quē omnium ferme Ec-
 clesiarum praesules imitati sunt. Quid
 autem hoc sit, aut vnde originem sumpse-
 rit, aut quam ob causam sublatum fuerit
 (alij fortasse aliter referunt) ego autem
 quid mihi videatur explicabo. Etenim
 cum prorsus non peccare naturae sit hu-
 mana superioris, paenitentibus autem
 quamuis frequēter deliquissent, veniam
 dari Deus iusserit, & ad impetrandam
 deniq. veniam confiteri peccata necessa-
 rium sit; odiosum (ut credibile est) sacer-
 dotibus ab initio visum fuit, tamquam
 in theatro audiente Ecclesiae multitudine
 delicta pronuntiare. Presbyterū itaq.
 aliquem vitae integritate quam maxi-
 me spectabilem, secretorum etiam tena-
 cem, ac sapientē huic officio praefecerunt.
 Socrates autem ita narrationem in-
 stituit: Per idem tempus (inquit) visum
 est Ecclesiae; ut presbyteri, qui in singu-
 lis Ecclesijs paenitentiae praecerant, tol-
 lerentur.*

Lib. 5. c.
 19. hist.
 eccl.

lerentur. Idq. hac de causa. Ab illo tempore, quo Nouatiani se ab Ecclesia seiunxerant, recusauerantq. cum ijs, qui tempore persecutionis regnante Decio concitatae, lapsi erant, communicare; Ecclesiarum Episcopi Canonici adiunxerunt, ut in singulis Ecclesijs presbyter quidam paenitentiae praecesset; quo qui post baptismum lapsi fuissent, coram presbytero ad eam rem designato peccata sua confiterentur. Iste Canon adhuc apud alias sectas ratus, firmusq. manet. Soli autem qui fidem Cōsubstantialis tenent, cum Nouatianis, qui cum illis in ea fide consentiunt, presbyterum paenitentiarium reiecerunt. Nouatiani vero ne initio quidem istam quasi appendicem admiserunt. Episcopi qui iam praesunt Ecclesijs, quamuis ad longinquum temporis spatium hoc tenerent institutum, temporibus Nectarii Episcopi immutarunt: propter huiusmodi facinus, quod forte fortuna in Ecclesia tum admissum est. Hunc scopum fraudolenti

viri considerent mecū eruditi. Hacc enim scena & apparatus totius fabulae expendatur prius necesse est, quam fabulae argumentum attingimus. *Visum est* (inquit) *Ecclesiae*: quam hic veterator Ecclesiam designare potest, praeter catholicam? At eam nunquam tale quid fecisse auditum, aut scriptum est. Ante enim Nouatiani schisma scripserat Tertullianus inter Latinos de paenitentia volumen egregium; scripserat de ea passim multa inter Graecos Origenes, praesertim vero in Leuiticum de eius necessitate, & usu disseruit. Erat iam tum igitur in Ecclesia vetustissimus paenitentiae ritus institutus, sacerdotes electi, & forma quaedam non modo peccata Sacerdoti secreto confitendi, sed etiam paenitentiae praescriptus, pro qualitate, & quantitate peccatorum modus: praesertim in grauioribus publicis-

Homil. 2
& 15.

Seezom.
ubi supra
Niceph.
12. c. 28.

blicisque delictis, quae etiam publi-
 ca paenitentia expiabantur. Dein-
 de quaenam ista fuit Ecclesia, quae
 Episcopi; quibus visum est canonē
 pro re nata necessariū statuere? Vbi
 locorum coacta synodus, quo indi-
 cente, quo imperante, quibus Coss.
 quo scriptore prodente? an haec
 omnia omissa fraudem non palam
 indicant? an non conficta omnia
 manifeste clamitant? Quaenam igitur
 commentitia haec fuit Ecclesia,
 quae post Nouatiani schisma sta-
 tuit paenitentiarium presbyterum
 instituendum; & Nectario Episco-
 po praesidente post annos paene cē-
 tū quadraginta eundem esse tollen-
 dum? profecto nemo facile dixerit;
 quin immo contra audacter, ac vere
 affirmare poterit in Ecclesia catho-
 lica, & ante Nouatianum semper ac
 deinceps, tū peccatorum confessio-
 nē sacerdotibus fieri, tū ab eis pae-
 nitentiae

nitētiæ modū imponi cōsueuissē.
 Si quid autem uideri nouum potuit
 accidisse post Nouatiani schisma,
 id vnū certe fuit; quod peccatorum
 licentia in dies magis aucta est, su-
 blato cōfitendi pudore, ac laborio-
 sæ paenitentiae actione conculca-

*ubi su-
pra.* ra. Quod ipsemet Socrates, & Sozo-
 menus ac Nicephorus ingenue fa-
 teri diuina veritatis vi coacti sunt,
 vt infra ostendemus. Non fuisse au-
 tem ab Ecclesia Catholica ritum ali-
 quē innouatum circa lapsorum pae-
 nitentiam post Nouatiani schisma
 docent nos eiusdē Ecclesiae firmissi-
 mae eius temporis columnae Cor-
 nelius Rom. Pont. Cyprianus Car-
 thaginensis, & Dionysius Alexan-
 drinus, quorum Epistolae ab Euse-
 bio Caesariensi recitātur, in quibus
 Nouatiani vita, scelera, schismaq.
 describitur, eiusque inhumana cru-
 delitas condemnatur. Cypriani vero

*Lib. 6. c.
35. hist.
eccl.*

plures

plures Epistolae ad Cornelium Papam, ad Confessores, & liber de lapsis palam declarant, nihil innouatum in Ecclesia propter lapsos, aut Nouatiani schisma & Nouati haeresim fuisse, sed tã in Concilio LX. Episcoporum Romae a Cornelio habito, quam Carthaginì Cypriani vigilãtia prouisum esse, ne temere lapsis nisi legitima peracta paenitentia pax, & mysteriorum comunnicatio daretur: etiam si martyrum uel cõfessorum libellis maxime cõmendarentur. Potuit forte hic aliquid innouatum videri ijs, qui veterem in Ecclesiarum ritum non diligenter cõsiderarunt; modumq. & formam in peccatorum confessione paenitentiaq. institutam ab initio ac semper obseruatam non animaduenterunt. Dissimulauit astute haec omnia Socrates; & Sozomenus, qui cum Nicephoro in hac commetitia fabula

*Damas
in Pont*

illum

illum secuti incaute sunt. Scripserunt Epiphanius, Theodoretus, Zonaras, Cedrenus ea, quae viuentis Nectario notabilia acciderant; cur ergo tot, tantique viri rem tanti momenti miro silentio praetereundam omnino existimassent, si vel leuissima quidem eius rei suspicio apud homines viguisset? certe non est verisimile: cum praesertim Theodoretus in historia, quam in haereticiis fabulis, & decretis catholicis Nouatiani errores, ac de paenitentiae in catholica Ecclesia solenni ritu usque ab Apostolis semper retento tam multa pie, prudenterque scripserit. Quid de Latinis Ecclesiae scriptoribus sentiendum? Ambrosium, Pacianum, Hieronymum, Rufinum, Augustinum dico; quibus superstitibus Nectarius praefuit, num tantae rei mutationem in Ecclesia Dei factam dissimulassent, ac ne vno
quidem

quidem verbo eius rei mentionem
 fieri oportere statuissent, vt in ea re
 Nouatianis gratificarentur? Sed ni-
 mirum id verum est, caecutiunt ho-
 mines facillime, vbi quid supra mo-
 dum appetūt, amisso veritatis lumi-
 ne, vt saepe secum pugnare videas;
 cum semel a veritatis semita excide-
 runt. qua poena fere omnes vsq. in
 hanc diem haereticos a Deo multa-
 tos fuisse cognouimus. Sed vt alia
 pauca examinemus. Quae nā aliae se-
 ctæ sunt, apud quas Canon ille de
 presbytero paenitentiario institu-
 tus, rātus, firmusq. manet; soli au-
 tem, qui Consubstantialis fidem te-
 nēt, cum Nouatianis; qui cū illis in
 ea fide consentiunt, presbyterū pae-
 nitentiarium reiecerunt? Quāquam
 enim sectarum nomen indifferēs in
 bonam partem Lucas in Act. accepe-
 rit; apud Paulum tamen, & Petrum
 in deterio rem semper partem inue-


*ibid.**18. ca.**26.**Gal. 5.**2. Pet. 2.*

nimus, vt hodieq. passim omnes in-
 terpretamur. Quae hic igitur aliae
 sunt sectae, quam eae, quibuscū No-
 uatiani non cōmunicant, & Cōsub-
 stantialis fidē tenent, quae Canonē
 de presbytero paenitētiario institu-
 tum, ratū, firmumq. tenent; atq. eo
 discrimine a Nouatianis separātur?
 Si separantur a Nouatianis; aliarum
 sectarū nomine necessario Catholi-
 ca Ecclesia cēsenda erit; nō aut aliae
 quaeuis haereses, si quae tū forte vi-
 gebāt, & cū Nouatianis conuenie-
 bāt. Hic aut quis non videat sectarū
 nomine a fraudolento historico ca-
 tholicae Ecclesiae auctoritatē cōtu-
 meliose perstringi, eiq. tam infami
 vocabulo odiū apud oēs inuidiāq.
 creari? Haec si diligentius confide-
 rasset Canus & Billius, nō satis (cre-
 do) visum illis fuisset ostendere So-
 cratem Nouatianarum partium stu-
 diosissimum, eorum gesta tam effuse

passim extollere ac laudare. Ea enim et si corruptum hominis ingenium, animumq. declarant, non tamen eo usq. progressum arguunt, vt palam Catholicae Ecclesiae auctoritatem in derisum adduceret: quod hic facere ausus est conficta etiā fabella; quoin legētium animos furtim facilius penetraret: eaque fraude Nouatianorum de Catholica Ecclesia triumphū, si quomodo fieri posset, in posterum firmum statueret. Sed percurramus reliqua: *Soli, inquit, qui Con-* Ibid.
substantialis fidem tenent, cum Noua-
tianis, qui cum illis in ea fide consentiūt,
praesbyterum paenitentiarium reiecerūt.
 Aut ego hic parum video, aut Socrates manifesto secum pugnat; Quem enim presbyterum paenitentiarium reiecerunt Nouatiani, si ab initio non receperunt? continuo enim subiicit: *Nouatiani vero ne initio quidē* Ibid.
istam quasi appendicem admiserunt. At

demus cum minus proprie locutū,
dum priuatim singulis vim eius ver-
bi accommodare non potest. Reli-
qua expēdamus: Sequitur enim: *Epi-*
scopi vero praesidentes Ecclesijs quam-
uis ad longinquum temporis spatium hoc
tenerent institutum, tamen temporibus
Nectarij Episcopi immutarunt. propter
huiusmodi facinus, quod forte fortuna in
Ecclesia admissū fuit. Quam fraudolē-
ter, vt cancer, Veteratoris huius ser-
mo serpat, animū quaeso aduertite;
Episcopos, ait, qui vsque ad Necta-
rium Ecclesijs praesidebant per lō-
gum tempus veteris instituti tena-
ces fuisse, vt eos virtute constantiae
laudare uideretur; ne postea quam
ueteris eius instituti rationem nullā
habendam esse statuerunt, leuitatis
& inconstantiae nomine damnari
possent; quasi ita temporum necessi-
tate postulāte, aut uerius rei uerita-
te clarius intellecta, sententiam pru-
denter

denter mutarint. Vt demus enim occasione sceleris in vna Ecclesia commissi, Nectario visum fuisse vetus institutum necessario mutandum, quae ratio suadere potuit, vt Episcopi orientales omnes vetustissimū ritum in Ecclesia semper retentum vnus Episcopi exēplo penitus abolerent? Quis hic non videat scriptoris dolum artificium, vt commentitiae fabellae suae fidē obiter astrueret, haec omnia quasi scenae apparatus diligenter explicasse? Expendamus deinceps sequentia; *Novatiani* *ibid.* *vero, inquit, ne initio quidem istā quasi appendicem admiserunt.* Initium hoc, in quo velut cardine totius fabulae occultarum machinarum molimina versantur; quale sit, quo tēpore coeptum, quae de causa, opere praetium est diligenter inuestigare. Si enim post Novatiani schisma, vt Sozomenus prodidit, & retulit Nicephorus *ibid.*



ea de causa initiū factum est, vt presbyter paenitentiarius in Ecclesijs constitueretur; consequitur necessario ante Nouatiani schisma nunquā confessionis, ac paenitentiae ritum in Ecclesia fuisse. Qua fronte autem audeat Socrates negare, quod Nouatianus ipse dum adhuc in Ecclesia esset, edito ad hoc nominatim libro de Negatoribus vel lapsis recipiēdis p̄fessus est? Id quod Cyprianus Epistola ad Antonianum his verbis narravit: *Additum est etiā Nouatiano tunc scribente, & quod scripserat sua voce recitāte, & presbytero Moyse tum adhuc confessore, nūc iam martyre subscribēte, vt lapsis infirmis, & in exitu cōstitutis pax daretur. Quae litterae per totū mūdum misae sunt.* Et Pacianus asserit ad Sympronianum cōtra Nouatianos scribens: *Quem librū, ait, & scripsit, & suaesit, & legit; additq. infra: Quid, ait, Symproniane frater? Nouatianus haec scripsit,*

Epist. 2.
lib. 4.

Epist. 3.

& ut obsequiū merae volūtatis adiungeret, etiā scripta recitauit. Testis est eius dextera, testis quae scripsit manus, testis lingua, quae legit: adhuc Cornelius Episcopus nō erat. Quo enim alio praetextu schisma suū colorare studuit, quam quod Ecclesia paenitentes lapsos recipiebat? qd hoc praeuaricatore impudentius fingi potest. Erat igitur hoc ī Ecclesia institutū vetus, quod quia qui Ecclesiae praeerāt religiose retinendū cēsuērunt, Nouatianus doloris impatiēs, quod ipsi Cornelius praelatus esset, ab Ecclesia desciiuit; & contra ea, quae prius sanus scripserat, palam ausus est lapsis paenitentibus affirmare Ecclesiam dare pacem & communionem mysteriorum non posse. Non ergo initium post Nouatiani schisma factum est; mentitur igitur manifeste Socrates, quamquam mancus in hac narratione & parū sibi cōstante, apparet, Ex

Sozom. l.

7. c. 16.

Niceph.

l. 12. c. 28

Sozomeno tamen ea facile restituitur quam supra apposui. Quis ergo hoc impudentissimi hominis mendacium ferat, in re tanti momenti describenda? Nicephoro certe condonari potest, qui historiam suam ex aliis collectam contexuit post octingentos quadraginta plus minus annos a Socrate. Scripsit enim Bonifacio VIII. Pont. Rom. Socrates vero, & Sozomenus circa annum Domini quadringentesimum quadragesimum. Fuit quidem in Ecclesia catholica pro varia temporum condicione interdum in curandis animorum morbis facilior, mitiorque disciplina, interdum vero seuerior in publicis praesertim grauioribusque delictis; quum passim saeuiente persecutione lapsorum numerus augeretur, atque ad mali eius incrementum sacerdotum facilitas in danda lapsis pace deprehensa est, maiorem

in dies causam prae buisse. Quae de re
 B. Cyprianus maxime questus est.
 quum lapsorum multitudo omnem
 (quod aiunt) lapidem importunissi-
 me moueret: vt pacem ab Ecclesia
 crudo adhuc tempore, nulla prius
 peracta legitima paenitentia impe-
 traret: quod quia Episcoporum vi-
 gilantia consequi non poterant, ip-
 si sua sponte coeperunt peccata sua
 publice profiteri, vt salubri hoc cō-
 silio, humilique confessione aliqua
 ex parte sacerdotum misericordiā
 prouocarent. Haec igitur fuit tunc
 non quasi in theatro instituta pecca-
 torum pronuntiatio, sed volunta-
 ria lapsorum professio. Non debuit
 ergo appellari odiosum institu-
 tum, quod lapsi ipsi nemine impe-
 rante necessarium praesidium pru-
 denter salubriterque amplexi sunt:
 quo citius faciliusque ad Ecclesiae
 communionem aliquando tandem

*Libr. 3.
 Epist. 14
 vsque ad
 20. &
 serm. de
 lapsis.*

peracta paenitentia admitterentur.
 Haec pluribus forte, quam verita-
 tis per se manifestę ratio postula-
 ret, sum persecutus, quod rem no-
 uam arduamque aggressus, non exi-
 stimaui facile multis persuaderi pos-
 se, historiam hanc post annos mille
 centum sexaginta falsitatis argui, at
 que adulterinam pronuntiari debe-
 re. Sed expendamus tandem lepidis-
 simam prima fronte, sed in recessu
 fraudolentam, maximeque perni-
 ciosam, quam hic commentus est, fa-
 bulam. In qua comminiscenda sin-
 gularis eius calliditas facile depre-
 henditur. Quia enim Nectarius vir
 nobilis Patricius, Praetorq. Constā-
 tinopolitanus vitae quidem inno-
 centissimae, sed grandaeuus adhuc
 catechumenus, nulla sacrarum lit-
 terarum scientia, nulla dicendi au-
 scribēdi facultate praeditus ad eam
 regendam Ecclesiam post Grego-
 rium

rium Nazianzenum, & ante Ioannem Chrysoftomum electus fuit; nō potuit Socrates aliud tēpus eligere ad fabulam concinnandam accommodatius, quam Nectarij, qui nihil vnquam scripsit. Astute igitur Socrates eam nouitatem Nectario facile tribui posse intellexit. quem virum Gregorius Nazianzenus modeste admodum, sed tamen acriter reprehendit, quod in Ecclesiae mune restrenue obeundo valde deficeret. testis est eius Epistola ad Nectarium ipsum, quae extat publice. Nō fuit igitur Socrates in tempore, & persona deligēda ad fabulam suam accommodata parum sagax. Sed iam fabulam ipsam videamus: *Mulier quaedam nobilis, inquit, ad presbyterum paenitentiarium accedit, peccata, quae post baptismum commiserat, particulatim confitetur; presbyter mulieri mandatum dat, vt ieiunijs, & conti-*

ibid.

nuis precibus se dederet, quo una cum
 peccatorum confessione opus dignum pae-
 nitentiae ostenderet. Mulier longius in
 confitendo progressa, alterius culpa se
 ipsa insinuat; docet diaconum Ecclesiae
 cum ipsa dormisse. Ob quod facinus hoc
 modo patefactum diaconus ab Ecclesia
 deiectus est; tumultus inde in populi mul-
 titudine excitatus. Nam indignaban-
 tur non solum de admissio flagitio, verū
 etiam quod inde grauis infamiae, & con-
 tumelia nota Ecclesiae iniusta esset. Ita-
 que quum sacerdotibus ob eam causam
 esset vehementer obrectatum, Eudae-
 mon quidam Ecclesiae presbyter genere
 Alexandrinus Episcopo Nectario dedit
 consilium, ut presbyterum paenitentia-
 rium tolleretur: & liberam daret potesta-
 tem, vii pro sua quisque conscientia ad
 mysteria percipienda accederet; nam eo
 pacto solum futurum esse, ut Ecclesia om-
 ni macula careret infamiae. Haecenus
 Socratis verba, quibus extremam fa-
 bulae

bulae commentitiae suae catastro-
 phen complexus est. Ego cum satis
 mihi videar immoratus in explican-
 da totius fabulae scena; id vnum de
 fabula dicam, non satis emunctae
 naris mihi videri eos, qui cum prae-
 missa diligenter expenderint, non-
 dum tamen odorati plane sint egre-
 giae fabulae fraudulentissimum cō-
 mentum. Vt igitur breuiter ijs quo-
 que satisfaciam; peto cōfidenter ab
 omnibus, vt quod est in veteri pro-
 uerbio, mecum recogitent: *Men-
 dacem memorem esse oportere.* Vt e-
 nim rei vanae nulla est soliditas, ita
 difficile quis in re conficta tam cau-
 te progredi poterit, vt non excidat;
 cum quo cursum dirigat, certum ali-
 quod fundamentum non habeat:
Presbyter paenitentiarius, inquit, vir grauis, sapiens, & (quod caput est)
secreti in primis tenax ab Episcopis eo cō-
silio in Ecclesijs institutus est, confessio-
nibus

Sozom.
 ubi sup.

nibus audiendis, ne tanquam in theatro
audiente Ecclesiae multitudine peccata
quisq. sua pronuntiaret. quod reuera &
odiosum erat maxime, & multos (ut ve-
risimile est) propter verecundiam a pec-
catorum confessione facienda retrahe-
bant. Videamus nunc quantum huic
prudenti consilio res ipsa atq. exi-
tus fabulae respondeat: Mulier nobi-
lis cum semel peccata sua confessa secre-
to esset, ac paenitentiae modum imposi-
tum expleuisset, iterum confessa est cum
Diacono Ecclesiae corpus suum miscuisse.
Quid hic erat expectandum a pres-
bytero secreti tenacissimo, nisi ut
imposita secreta salutariq. paenitē-
tia suo munere rite perfungeretur?
Cur ergo hoc nefarium sacrilegiū
publicatum est, ita ut populus tu-
multuaretur? Hoc cine paenitentia-
rij presbyteri sacrilegium dissimu-
lare Nectarius, aut rem ipsam per se
utilissimam eliminare ab Ecclesia

sua debuit? Quis ita desipiat, vt si
quid tale ipsi contigisset, tātum ne-
fas committere ausus esset? Rima-
rum certe plena est commentitia fa-
bula, ita hinc, atque inde fraus ef-
fluit, vt ad ipsam coarguendam li-
beralissime nobis plurima argu-
menta suppeditet; quo nomine So-
crati partim gratias agimus, quod
neminē imprudentem fefellit; par-
tim malitiosae fraudis eundem iu-
re optimo reum facimus. quod e-
nim maxime studuit, si nō est affecu-
tus, fraudolentum tamen animum
suum celare non potuit. Repetamus
nunc iterum Nectarij factum; videa-
musque an saltem excusari aliqua ra-
tione possit ab impietate, atque ini-
quitate. Quod erat ad omnium salu-
tem in Ecclesia sanctissime institu-
tum substulit, animarumque sibi cō-
missarum periculo, immo verius
certo dispendio innocentem popu-
lum

lum suum crudelissime multauit :
 presbyterum vero paenitentiarium
 manifesto sacrilegij crimine macu-
 latum, cuius scelere populi tumultus
 excitatus, sacerdotum ordinem,
 Ecclesiaeque auctoritatem conui-
 ctijs ac maledictis p̄scindebat, prae-
 postera quadam humanitate abusus
 satis habuit ab officio paenitentia-
 rij, quod per se graue, ac laborio-
 sum erat, liberare. Haecine ouium
 eius charitas, haecine contra faci-
 norosos disciplinae seueritas mere-
 bitur appellari? Hiccine poterit A-
 xiomaticus, prudens, vitaeque inno-
 centissimae vir ab omnibus vno o-
 re celebrari? qui in synodo Constā-
 tinopolitana prima CL. Episcoporum
 suffragio Episcopus Constantino-
 politanus electus Gregorio
 Naziāzeno successit. Eam vero no-
 uitatem si in Ecclesia Constantino-
 politana contigisset, Romani Pon-
 tifices,

Niceph.
 in Chro-
 nologia.
 Photius
 de Syno-
 dis c. 2.
 Socra. j.
 cap. 8.
 Sozom.
 7. cap. 8.
 Niceph.
 lib. 12. c.
 12.

tifices, qui Ecclesiae catholicae tunc
 praecerant, tacitam atq. inultam esse
 passi essent? cū minora semper cor-
 rigere atq. emendare studuerint? Te-
 stes sunt multorum Pontificum Epi-
 stolae quāplurimae ad diuersas Ec-
 clesias per vniuersum Christianum
 orbem missae. Nectario igitur ad-
 scribi poterit tam impium factum,
 cuius praeter Nouatianum Socratē
 nemo vnquam meminit? Quae autē
 aetas clarissimorum scriptorum, san-
 ctissimorumq. Patrum, atq. catholi-
 cae Ecclesiae Doctorum copiosius
 examen profudit, quam ea ipsa, in
 qua Nectarius floruit? Damasus Ro-
 mae, ac deinceps Syricius Episcopa-
 tum gessit, Ambrosius Mediolani,
 Gregorius Nazianzi, Hieronymus
 presbyter, Ioannes Chrysostomus
 qui huic Nectario successit; Augu-
 stinus Hipponensis Episcopus Ec-
 clesiae catholicae lumen, poterit ne

tot, tantisq. viris superstitibus, qui
tam multa diligentissime scripserūt,
tantum facinus occultum fuisse? aut
silentio praeteritum existimari?

Rufinus

2. c. 18.

Theod.

5. c. 17.

Sozom.

5. c. 24.

Quid? Theodosius Imperator ca-
tholicus, qui ab Ambrosio ob iniu-
stissimam Thessalonicensiū caedem
ab ingressu Ecclesiae repulsus pae-
nitentiam publicam peregit, atque
inter laicos communicare tandem
permisus est; cum Constantinopo-
lim reuersus, atque a Nectario intra
presbyteriū inuitatus est: num hoc
tantum in ea Ecclesia non recte fa-
ctum reprehendisset; & non potius
paenitentiae salutaris veterē in Ec-
clesia ritum semper retentum, atque
ab ipso Imperatore religiosissime
obseruatū, a Nectario temere sub-
latum exprobrasset, restituēdumq;
omnino statim studuisset? At Eudae-
monis id consiliū fuit, quam vereor
ne Cacodaemonis potius non con-

filium Nectario datum, sed Socra-
 tis dolus malus Nectarium falso cō-
 mentus sit id fecisse, quod nec factū
 vñquam aut cogitatum fuit, nisi a
 desperatis haereticis. Quando au-
 tem permissum vñquam fuit, vt si-
 ne peccatorū confessione nulla per-
 acta paenitentia, sublatoque paeni-
 tentiario presbytero, vnusquisque
 pro sua conscientia ad participan-
 da sacra mysteria admitteretur? Nō
 ne etiā qui publice peccassent, po-
 tuissent suo iure a sacerdotibus sine
 vlla paenitentia communionem ex-
 torquere? atque ita sacerdotes coa-
 cti fuissent contra Christi mandatū
 porcis & canibus sacramēta proj-
 cere cōculcāda? Quid ergo hic So-
 crates vidit, quod Nouatianis suis
 patrocinaretur? In eo enim quod
 paenitentiā substulit, vt videatur ali-
 quid illorum haeresim approbasse;
 certe ex altera parte eorum crudeli-

tatem palam condemnauit; cum ad Ecclesiae communionem & pacem passim omnes recipi consueuisse asserunt. Nulla igitur reuera in Ecclesia facta est nouatio, quam Nouatianus Socrates conficta fraudolenter fabula commētus est. Sed videamus tandē qua ratione egregius ueritator putauit sibi ad fidem totius fabulae comparandam firmissimum gradum esse facturum. Obijcit Eudaemoni, quod catholicus quisque iure potuisset obijcere. Factum scilicet ipsius consilio, ut in posterum libera omnibus sit peccandi licētia, Apostolique praeceptum nemo audeat exequi, ut arguat scilicet publice peccantem. Constare tandem arbitror fraude Socratis factum, ut in quaestiones inexplicabiles tāquam in labyrinthum pars magna Theologorum se coniecerit: quorū quidem studium laudabile, & pietatis plenum

ph. 5.
.Tim. 5

plenum non possum non magnopere cōmendare: sed vicissim non admirari vehementer, vt quod primū praecipuūque erat in ea historia cōsiderādum, stupore quodam affecti, & (vt Apostoli verbo vtar) fascinati *Gal. 3i* tam oscitāter praetermiserint, commentumque falsissimum pro vera historia confidenter receperint.

Haecenus quae tenues ingenioli mei, aetatisq. effoetae vires praestare in re difficili, (post ea quae notarunt viri eruditi Ioannes Hasselius, Marianus Victorius, Alanus Copus, & Iacobus Pamelius in Tertulliani libro de Paenitētia, quos tamen leuiter percurri) iuuante Christo potuerunt. Ea nūc libēter cōmunicauī, vt quid tandē viri eruditi de tota re mature prius examinata sentiendū statuāt, pro sua quisq. virili parte catholicae Ecclesiae causa vt indicēt rogatos se etiam atq. etiam vehementer .

menter esse arbitrentur : Cuius ego
Ecclesiae censurae hasce meas confi-
derationes humiliter subijcio.

Post Nouatiani schisma Nouati-
que haeresim extant Petri Alexā dri-
ni Episcopi Canones paenitentia-
les. Epistolae quoque Athanasij ad
Rufinianū, Basilij ad Amphilochiū,
Gregorij Nysseni ad Latoiū. Quae
omnia habentur cum Theodori Bal-
samonis Scholijs.